

1080

河北省立
天津特別市
天津圖書館
市立第二圖書館

10809



天津特別市市立第二圖書館 29-6.1.0000

卷一

四言一

卷二

四言二

卷三

五言一

卷四

五言二

卷五

一

八代詩選



八代詩選目錄

卷一

四言一 漢至晉

卷二

四言二 晉至隋

卷三

五言一 漢

卷四

五言二 魏

卷五

八代詩選 目錄

五言三 晉第一

卷六

五言四 晉第二

卷七

五言五 晉第三


卷八

五言六 宋第一

卷九

五言七 宋第二

卷十



五言八 齊

卷十一上

五言九 梁

卷十一下

五言九 陳隋

卷十二

齊已後新體詩一 齊全梁上

卷十三

齊已後新體詩一 梁下陳全

卷十四

八代詩選 目錄

齊已後新體詩二 北朝全隋全

卷十五

雜言一 漢至晉

卷十六

雜言二 宋至梁

卷十七

雜言三 陳至隋

卷十八

郊廟樂章及頌德樂詞 漢至隋

卷十九

歌謠全卷 漢至隋

卷二十

雜體全卷 漢至隋

八代詩選目錄
八代詩選目錄

漢至晉一

八代詩選一

四言第一

長沙湘潭王闓運撰

韋孟

諷諫詩

肅肅我祖國自豕韋黼衣朱紱四牡龍旂彤弓斯征撫甯
遐荒總齊羣邦以翼大商迭彼大彭勳績惟光至於有周
歷世會同王赧聽譖實絕我邦我邦既絕厥政斯逸賞罰
之行非絲王室庶尹羣后靡扶靡衛五服崩離宗周以墜
我祖斯微遷於彭城在予小子勤喚厥生阨此媯秦耒耜
斯耕悠悠媯秦上天不甯乃眷南顧授漢於京於赫有漢

八代詩選

四言一
漢至晉一

四方是征靡適不懷萬國攸平乃命厥弟建侯於楚俾我
小臣惟傅是輔矜矜元王恭儉靜一惠此黎民納彼輔弼
享國漸世垂烈於後迺及夷王克奉厥緒咨命不永惟王
統祀左右陪臣斯惟皇士如何我王不思守保不惟履冰
以繼祖考邦事是廢逸游是娛犬馬悠悠是放是驅務此
鳥獸忽此稼苗烝民以匱我王以媯所弘匪德所親匪俊
惟囿是恢惟諛是信踰踰諛夫諤諤黃髮如何我王曾不
是察既藐下臣追欲縱逸媯彼顯祖輕此削黜嗟嗟我王
漢之睦親曾不夙夜以休令聞穆穆天子照臨下土明明
羣司執憲靡顧正遐由近殆其怙茲嗟嗟我王曷不斯思

匪思匪監嗣其罔則彌彌其逸岌岌其國致冰匪霜致墜
匪媢瞻惟我王時靡不練興國救顛孰違悔過追思黃髮
秦穆以霸歲月其但年其逮耆於赫君子庶顯於後我王
如何曾不斯覽黃髮不近胡不時鑒

在鄒詩

微微小子既耆且陋豈不幸位穢我王朝王朝肅肅惟俊
之廷顧瞻余躬懼穢此征我之退征請於天子天子我恤
矜我髮齒赫赫天子明哲且仁懸車之義以泊小臣嗟我
小子豈不懷土庶我王寤越遷於魯既去禰祖惟懷惟顧
祁祁我徒戴負盈路爰戾於鄒鬻茅作堂我徒我環築室
於牆我既遷逝心存我舊夢我瀆上立於王朝其夢如何
夢爭王室其爭如何夢王我弼寤其外邦歎其喟然念我
祖考泣涕其漣微微老夫咨既遷絕洋洋仲尼視我遺烈
濟濟鄒魯禮義惟恭誦習絃歌異於他邦我雖鄙耆心其
好而我徒侃爾樂亦在而

東方朔

誠子詩

明者處世莫尙於中優哉游哉於道相從首陽爲拙柳惠
爲工飽食安步以仕代農依隱玩世詭時不逢才盡身危
好名得華有羣累生孤貴失和遺餘不匱自盡無多聖人

之道一龍一蛇形見神藏與物變化隨時之宜無有常家
王昭君

怨詩

秋木萋萋其葉萎黃有鳥處山集於苞桑養育毛羽形容
生光既得升雲上游曲房離宮絕曠身體摧藏志念抑沈
不得頡頏雖得委食心有徊徨我獨伊何來往變常翩翩
之燕遠集西羌高山峩峩河水泱泱父兮母兮道里悠長
嗚呼哀哉憂心惻傷

張衡

怨篇

八代詩選

四言一
漢至晉一

三

猗猗秋蘭植彼中阿有馥其芳有黃其葩雖曰幽深厥美
彌嘉之子之遠我勞如何

朱穆

與劉伯宗絕交詩

北山有鷗不潔其翼飛不正向寢不定息饑則木斃飽則
泥伏饕餮貪汚臭腐是食填腸滿臆嗜欲無極長嗚呼鳳
謂鳳無德鳳之所趨與子異域永從此訣各自努力

仲長統

述志詩

飛鳥遺跡蟬蛻亡殼騰蛇棄鱗神龍喪角至人能變達士

拔俗乘雲無轡騁風無足垂露成幃張霄成幄沉瀆當餐
九陽代燭恆星豔珠朝霞潤玉六合之內恣心所欲人事
可遺何爲局促大道雖夷見幾者寡任意無非適物無可
古來繚繞委曲如瑣百慮何爲至要在我寄愁天上理憂
地下叛散五經滅棄風雅百家雜碎請用從火抗志山西
游心海左元氣爲舟微風爲柁翱翔太清縱意容冶

秦嘉

贈婦

曖曖白日引曜西傾啾啾雜雀羣飛赴楹皎皎明月煌煌
列星嚴霜悽愴飛雪覆庭寂寂獨居寥寥空室飄飄桂帳
熒熒華燭爾不是居帷帳何施爾不是照華燭何爲

八代詩選

四言
漢至晉一

四

無名人

善哉行

來日大難口燥唇乾今日相樂皆當喜歡經歷名山芝草
飄飄仙人王喬奉藥一丸自惜袖短內手知寒慚無靈轍
以報趙宣月沒參橫北斗闌干親交在門饑不及餐歡日
尙少戚日苦多以何忘憂彈箏酒歌淮南八公要道不煩
參駕六龍游戲雲端

曹操

短歌行

對酒當歌人生幾何譬如朝露去日苦多慨當以慷憂思
難忘何以解憂惟有杜康青青子衿悠悠我心但爲君故
沈吟至今呦呦鹿鳴食野之苹我有嘉賓鼓瑟吹笙明明
如月何時可掇憂從中來不可斷絕越陌度阡枉用相存
契闊談讌心念舊恩月明星稀烏鵲南飛繞樹三匝何枝
可依山不厭高海不厭深周公吐哺天下歸心

步出東西門行

雲行雨步超越九江之皋臨觀異同心意懷游豫不知
當復何從經過至我碣石心惆悵我東海

東臨碣石以觀滄海水何澹澹山島竦峙樹木叢生百草

八代詩選

四言一
漢至晉一

五

豐茂秋風蕭瑟洪波湧起日月之行若出其中星漢燦爛
若出其裏幸甚至哉歌以詠志 觀滄海

孟冬十月北風徘徊天氣肅清繁霜霏霏鷓鴣晨鳴鴻雁
南飛鷺鳥潛藏熊羆窟栖錢鏹停置農收積場逆旅整設
以通賈商幸甚至哉歌以詠志 冬十月

鄉土不同河朔隆寒流澌浮漂舟船行難雖不入地蓁籟
深奧水竭不流冰堅可蹈士隱者貧勇俠輕非心常歎怨
戚戚多悲幸甚至哉歌以詠志 土不同

神龜雖壽猶有竟時騰蛇乘霧終爲土灰老驥伏櫪志壯
千里烈士暮年壯心不已盈縮之期不但在天養怡之福

可得永年幸甚至哉歌以詠志 龜雖壽

王粲

贈蔡子篤詩

翼翼飛鸞載飛載東我友云徂言戾舊邦舫舟翩翩以沂
大江蔚矣荒塗時行靡通慨我懷慕君子所同悠悠世路
亂離多阻濟岱江行邈焉異處風流雲散一別如兩人生
實難願其弗與瞻望遐路允企伊仵烈烈冬日肅肅淒風
潛鱗在淵歸雁在軒苟非鴻鵬孰能飛飜雖則追慕子思
罔宣瞻望東路慘愴增歎率彼江流爰逝靡期君子信誓
不遷於時及子同寮生死固之何以贈行言授斯詩中心
八代詩選 四言一
漢至首一

六

孔悼涕淚漣洏嗟爾君子如何勿思

贈士孫文始

天降喪亂靡國不夷我暨我友自彼京師宗守盪失越用
遁違遷於荆楚在漳之湄在漳之湄亦克宴處利通篋填
比德車輔旣度禮義卒獲笑語庶茲永日無讟厥緒雖曰
無讟時不我已同心離事乃有逝止橫此大江淹彼南汜
我思弗及載坐載起惟彼南汜君子居之悠悠我心薄言
慕之人亦有言靡日不思矧伊嫵婉胡不悽而晨風夕逝
託與之期瞻仰王室慨其永歎良人在外誰佐天官四國
方阻俾爾歸藩爾之歸藩作式下國無曰蠻裔不虔汝德

慎爾所主率由嘉則龍雖勿用志亦靡忒悠悠澹豐鬱彼
唐林雖則同域邈其迥深白駒遠志古人所箴允矣君子
不遐厥心既往既來無密爾音

贈文叔良

翩翩者鴻率彼江濱君子於征爰聘西鄰臨此洪渚伊思
梁岷爾行孔邈如何勿勤君子敬始慎爾所主謀言必賢
錯說申輔延陵有作僑胙是與先民遺跡來世之矩既慎
爾主亦迪知幾探情以華覩著知微視明聽聰靡事不惟
董褐荷名胡甯不師眾不可蓋無尙我言梧宮致辯齊楚
構患成功有要在眾思歡人之多忌掩之實難瞻彼黑水
八代詩選四言一
漢至晉一七

應瑒

報趙淑麗

朝雲不歸夕結成陰離羣獨宿永思長吟有鳥孤棲哀鳴
北林嗟我懷矣感物傷心

魏文帝曹丕

短歌行

仰瞻帷幕俯察几筵其物如故其人存神靈倏忽棄我

遐遷靡瞻靡恃泣涕連連呦呦游鹿銜草鳴麕翩翩飛鳥
挾子巢棲我獨孤榮懷此百離憂心孔疚莫我能知人亦
有言憂令人老嗟我白髮生一何早長吟永歎懷我聖考
曰仁者壽胡不是保

秋胡行二首

堯任舜禹當復何爲百獸率舞鳳凰來儀得人則安失人
則危惟賢知賢人不易知歌以詠言誠不易移鳴條之役
萬舉必全明德通靈降福自天

汎汎綠池中有浮萍寄身流波隨風靡傾芙蓉含芳菡萏
垂榮朝采其實夕佩其英采之遺誰所思在庭雙魚比目

八代詩選

四言一
漢至晉一

八

鴛鴦交頸有美一人婉如清揚知音識曲善爲樂方

善哉行二首

上山採薇薄暮苦饑谿谷多風霜露沾衣野雉羣雌猿猴
相追還望故鄉鬱何壘壘高山有崖林木有枝憂來無方
人莫之知人生如寄多憂何爲今我不樂歲月如馳湯湯
川流中有行舟隨波轉薄有似客游策我良馬被我輕裘
載馳載驅聊以忘憂

有美一人婉如清揚妍姿巧笑和媚心腸知音識曲善爲
樂方哀絃微妙清氣含芳流鄭激楚度宮中商感心動耳
綺麗難忘離鳥夕宿在彼中洲延頸鼓翼悲鳴相求眷然

顧之使我心愁嗟爾昔人何以忘憂

煌煌京洛行

天天園桃無子空長虛美難假偏輪不行淮陰五刑烏盡
弓藏保身全名獨有子房大憤不收衰衣無帶多言寡誠
祇令事敗蘇秦之說六國以亡傾側賣主車裂固當賢矣
陳軫忠而有謀楚懷不從禍卒不救禍夫吳起智小謀大
西河何健伏尸何劣嗟彼郭生古之雅人智矣燕昭可謂
得臣峩峩仲連齊之高士北辭千金東蹈滄海

黎陽作

朝發鄴城夕宿韓陵霖雨載塗輿人困窮載馳載驅沐雨

八代詩選

四言一
漢至晉一

九

櫛風舍我高殿何爲泥中杜昔周武爰暨公旦載主南征
救民塗炭彼此一時惟天所讚我獨何人能不靖亂

殷殷其雷濛濛其雨我徒我車涉此艱阻遵彼洹湄言刈
其楚班之中路塗潦是御麟麟大車載低載昂嗷嗷僕夫
載仆載僵蒙塗冒雨沾衣濡裳

陳思王植

上賁躬詩

於穆顯考時惟武皇受命於天甯濟四方朱旗所拂九土
披攘玄化滂流荒服來王超商越周與唐比蹤篤生我皇
奕世載聰武則肅烈文則時雍受禪於漢君臨萬邦萬邦

既化率由舊則廣命懿親以藩王國帝曰爾侯君茲青土
奄有海濱方周於魯車服有輝旗章有敘濟濟雋乂我弼
我輔伊予小子恃寵驕盈舉挂時綱動亂國經作藩作屏
先軌是隳傲我皇使犯我朝儀國有典刑我削我紕將寘
於理元凶是率明明天子時惟篤類不忍我刑暴之朝肆
違彼執憲哀予小臣改封充邑於河之濱股肱弗置有君
無臣荒淫之闕誰弼予身焚燹僕夫於彼冀方嗟予小子
乃罹斯殃赫赫天子恩不遺物冠我玄冕要我朱紱光光
大使我榮我華剖符授玉王爵是加仰齒金璽俯執聖策
皇恩過隆祇承忱惕咨我小子頑凶是嬰逝慙陵墓存愧

八代詩選

四言一
漢至晉一

十

闕庭匪敢傲德惟恩是恃威靈改加足以沒齒昊天罔極
生命不圖常懼顛沛抱罪黃墟願蒙矢石建旗東嶽庶立
毫釐微功自贖危軀授命知足免戾甘赴江湘奮戈吳越
天啟其衷得會京畿遲奉聖顏如渴如饑心之云慕愴矣
其悲天高聽卑皇肯照徹

應詔詩

肅承明詔應會皇都星陳夙駕秣馬脂車命彼掌徒肅我
征旅朝發鸞臺夕宿蘭渚茫茫原隰祁祁士女經彼公田
樂我稷黍爰有樛木重陰匪息雖有餽糧饑不遑食望城
不過面邑不游僕夫警策平路是由玄駟藹藹揚鑣漂沫

流風翼衡輕雲承葢涉澗之濱綠山之隈遵彼河許黃坂
是階西躋關谷或降或升駢駘倦路載寢載興將朝聖皇
匪敢宴甯弭節長驚指日遄征前驅舉燧後乘抗旌輪不
輟運鑾無廢聲爰暨帝室稅此西墉嘉詔未賜朝覲莫從
仰瞻城闕俯惟闕庭長懷永慕憂心如醒

朔風詩

仰彼朔風用懷魏都願騁代馬倏忽北徂凱風永至思彼
蠻方願隨越鳥翻飛南翔四氣代謝懸景運周別如俯仰
脫若三秋昔我初遷朱華未晞今我旋止素雪云飛俯降
千仞仰登天阻風飄蓬飛載離寒暑千仞易陟天阻可越
八代詩選四言一
漢至晉一

十一

昔我同袍今乖別子好芳草豈忘爾貽繁華將茂秋霜
悴之君不垂眷豈云其誠秋蘭可喻桂樹冬榮絃歌蕩思
誰與銷憂臨川慕思何爲泛舟豈無和樂游非我鄰誰忘
沉舟愧無榜人

矯志詩

芝桂雖芳難以餌烹尸位素餐難以成名磁石引鐵於金
不連大朝舉士愚不聞焉抱璧塗乞無爲貴寶履仁遵禍
無爲貴道駕雛遠害不差卑棲靈虬避難不恥污泥都蔗
雖甘杖之必折巧言雖美用之必滅濟濟唐朝萬邦作孚
逢蒙雖巧必得良弓聖主雖知必得英雄螳螂見歎齊士

輕戰越王軾蛙國以死獻道遠知驥世僞知賢覆之幃之
順天之矩澤如凱風惠如時雨口爲禁闔舌爲發機門機
之闔楛矢不追

稽康

幽憤詩

嗟余薄祜少遭不造哀榮靡識越在纏緲母兄鞠育有慈
無威恃愛肆姐不訓不師爰及冠帶憑寵自放抗心希古
任其所尚託好老莊賤物貴身志在守樸養素全真曰余
不敏好善闇人子玉之敗屢增惟塵大人含弘藏垢懷恥
民之多僻政不由己惟此褊心顯明臧否感悟思愆怛若

八代詩選

四言一
漢至晉一

三

創瘡欲寡其過謗議沸騰性不傷物頻致怨憎昔慙柳惠
今愧孫登內負宿心外惡良朋仰慕嚴鄭樂道閒居與世
無營神氣晏如咨予不淑嬰累多虞匪降自天實由頑疏
理弊患結卒致囹圄對答鄙訊繫此幽阻實恥訟寃時不
我與雖曰義直神辱志沮澡身滄浪豈云能補噉噉鳴雁
奮翼北游順時而動得意忘憂嗟我憤歎曾莫能儔事與
願違邁茲淹留窮達有命亦又何求古人有言善莫近名
奉時恭默咎悔不生萬石周慎安親保榮世務紛紜祗攪
子情安樂必誠乃終利貞煌煌靈芝一年三秀子獨何爲
有志不就懲難思復心焉內疚庶勛將來無馨無臭采薇

山阿散髮巖岫永嘯長吟頤性養壽

贈秀才入軍

穆穆惠風扇彼輕塵奔奔素波轉此游鱗伊我之勞有懷
佳人寤言永思實鍾所親

所親安在舍我遠邁棄此蓀芷襲彼蕭艾雖曰幽深豈無
顛沛言念君子不遐有害

良馬旣閒麗服有暉左攬繁弱右接忘歸風馳電逝躡景
追飛凌厲中原顧盼生姿

輕車迅邁息彼長林春木載榮布葉垂陰習習谷風吹我
素琴交交黃鳥顧儔弄音感悟馳情思我所欽心之憂矣

八代詩選

四言一
漢至晉一

三

永嘯長吟

浩浩洪流帶我邦畿萋萋綠林奮榮揚暉魚龍灑澗山鳥
羣飛駕言出游日夕忘歸思我良朋如渴如饑願言不獲
愴矣其悲

息徒蘭圃秣馬華山流磻平皋垂綸長川目送歸鴻手揮
五絃俯仰自得游心太玄嘉彼釣叟得魚忘筌鄙人逝矣
誰與盡言

閒夜肅清朗月照軒微風動袿組帳高寒旨酒盈樽莫與
交歡鳴琴在御誰與鼓彈仰慕同趣其馨若蘭佳人存
能不永歎

琴詩自樂遠游可珍含道獨往棄智遺身寂乎無累何求
於人長寄靈嶽怡志養神

流俗難悟逐物不還至人遠鑒歸之自然萬物爲一四海
同宅與彼共之予何所惜生若浮寄暫見忽終世故紛紜
棄之入戎澤雉雖饑不願園林安能服御勞形苦心身貴
名賤榮辱何在貴得肆志縱心無悔

荀勗

從武帝華林園宴

習習春陽帝出乎震天施地生以應仲春思文聖皇順時
秉仁欽若靈則飲御嘉賓洪恩普暢慶乃眾臣其慶惟何
八代詩選 明詩一
錫以帝祉肆觀羣后有客戾止外納要荒內延卿士簫管
詠德八音咸理凱樂飲酒莫不宴喜

張華

勵志詩

大儀幹運天迴地游四氣鱗次寒暑環周星火既夕忽焉
素秋涼風振落熠燿宵流吉士思秋實感物化日與月與
往再代謝逝者如斯曾無日夜嗟爾庶士胡甯自舍仁道
不遐德輪如羽求焉斯至眾鮮克舉大猷玄漠將抽厥緒
先民有作貽我高矩雖有淑姿放心縱逸出般於游居多
暇日如彼梓材弗勤丹漆雖勞樸斲終負素質養由矯矢

獸號於林蒲蘆縈繳神威飛禽末伎之妙動物應心研精
軌道安有幽深安心恬蕩棲志浮雲體之以質彪之以文
如彼南畝力未旣勤蔗蓂致功必有豐殷水積成川載瀾
載清土積成山歛蒸鬱冥山不讓塵川不辭盈勉爾含弘
以隆德聲高以下基洪由織起川廣自源成人在始累微
以著乃物之理經牽之長實累千里復禮終朝天下歸仁
若金受礪若泥在鈞進德修業輝光日新隰朋仰慕子亦
何人

太康六年三月三日後園會

暮春元日陽氣清明祁祁甘雨膏澤流盈習習祥風啟滯

八代詩選

四言一
漢至晉一

五

導生禽鳥翔逸卉木滋榮纖條被綠翠華含英於皇我后
欽若昊乾順時省物言觀中園讌及羣辟乃命乃延合樂
華池祓濯清川汎彼龍舟泝游洪源朱幕雲覆列坐文茵
羽觴波騰品物備珍管絃繁會變用奏新穆穆我皇臨下
渥仁訓以慈惠詢納廣神好樂無荒化達無垠咨予微臣
荷寵明時忝恩於外攸攸三期犬馬惟慕天實爲之靈啟
其願邀顧在茲於以表情爰著斯詩

傅玄

短歌行

長安高城層樓亭亭千雲四起上貫天庭蜉蝣何整行如

軍征蟋蟀何感中夜哀鳴虬蟬愉樂粲粲其榮寤寐念之
誰知我情昔君視我如掌中珠何意一朝棄我溝渠昔君
與我如影如形何意一去心如流星昔君與我兩心相結
何意今日忽然兩絕

答程曉詩

奔奔兩儀昭昭太陽四氣代升三朝受祥濟濟羣后我哉
聖皇元服肇御配天垂光伊州作弼王室惟康顛顛兆民
蠢蠢戎羶率土充庭萬國奉蕃皇澤雲行神化風宣六合
咸熙遐邇同歡赫赫明明天人合和下罔遺滯焦朽斯華
矧我良朋如玉之嘉穆穆雝雝興頌作歌

八代詩選

四言一
漢至晉一

六

傅咸

與尚書同僚詩

非望之寵謬加於己猥授非據奄司萬里煌煌朱軒服驥
驂驟睚眦初星肅肅臣僕暉光顯赫眾目所屬斯之弗稱
匪榮伊辱質弱尚父受任鷹揚德非樊仲王命是將百城
或違無能有匡一州之矜將弛其綱得意忘言言在意後
夫惟神交可以長久我心之孚有盈於缶與子偕老豈曰
執手出司萬里牧彼朔濱服冕乘軒六轡旣均威風先邁
百城肅震

應貞

華林園集詩

悠悠太上民之厥初皇極肇建彝倫攸敷五德更運膺籙
受符陶唐既謝天厯在虞於時上帝乃顧惟眷光我晉祚
應期納禪位以龍飛文以虎變玄澤滂流仁風潛扇區內
宅心方隅回面天垂其象地耀其文鳳鳴朝陽龍翔景雲
嘉禾重穎莫莢載芬率土咸序人胥悅欣恢恢皇度穆穆
聖容言思其順貌思其恭在視斯明在聽斯聰登庸以德
明試以功其恭惟何昧且丕顯無理不經無義不踐行捨
其華言去其辯游心至虛同規易簡六府孔修九有斯靖
澤靡不被化罔不加聲教南暨西漸流沙幽人肆險遠國
八代詩選 四言一
漢至晉一 七
忘遐越裳重譯充我皇家戎戎列辟赫赫虎臣內和五品
外威四賓修時貢職入覲天人備言錫命羽蓋朱輪貽宴
好會不常厥數神心所受不言而喻於時肄射弓矢斯御
發彼五的有酒斯飫文武之道厥猷未墜在昔先王射御
茲器示武懼荒過亦爲失凡厥羣后無懈於位

東哲

補亡詩六首

序曰哲與同業疇人肄修鄉飲之禮然所詠之詩或有
義無辭音樂取節闕而不備於是遙想既往存思在昔
補著其文以綴舊制

南陔孝子相戒以養也

循彼南陔言采其蘭眷戀庭闈心不違安彼居之子罔或
游盤馨爾夕膳絜爾晨餐循彼南陔厥草油油彼居之子
色思其柔眷戀庭闈心不違留馨爾夕膳絜爾晨羞有懶
有懶在河之涘凌波赴汨嚙魴捕鯉噉噉林鳥受哺於子
養隆敬薄惟禽之似勗臻爾虔以介丕祉

白華孝子之絜白也

白華朱萼被於幽薄粲粲門子如磨如錯終晨三省匪惰
其恪白華絳趺在陵之陬蒨蒨士子涅而不渝竭誠盡敬
亶亶忘劬白華玄足在邱之曲堂堂處子無營無欲鮮倅
八代詩選四言一
漢至晉一
晨葩莫之點辱

華黍時和歲豐宜黍稷也

黜黜重雲輯輯和風黍華陵巔麥秀邱中靡田不播九穀
斯豐奕奕玄霄濛濛甘雷黍發稠華亦挺其秀靡田不殖
九穀斯茂無高不播無下不殖茫茫其稼參參其穡稽我
王委充我民食玉燭陽明顯猷翼翼

由庚萬物得由其道也

蕩蕩夷庚物則由之蠢蠢庶類王亦柔之道之既由化之
既柔木以秋零草以春抽獸在於草魚躍順流四時遞謝
八風代扇織阿案晷星變其躔五緯不逆六氣無易惜惜

我王紹文之跡

崇邱萬物極其高大也

瞻彼崇邱其林藹藹植物斯高動類斯大周風旣洽王猷
允泰漫漫方輿回回洪覆何類不繁何生不茂物極其性
人永其壽恢恢大圜茫茫九壤資生仰化於何不養人無
道天物極則長

由儀萬物之生各得其儀也

肅肅君子由儀率性明明后辟仁以爲政魚游清沼鳥萃
平林濯鱗鼓翼振振其音賓寫爾誠主竭其心時之和矣
何思何修文化內輯武功外悠

八代詩選

四言一
漢至晉一

九

何劭

洛水祖王公應詔

穆穆聖王體此慈仁友于之至通於明神游宴綢繆情戀
所親薄云餞之於洛之濱嵩崖巘巘洪流湯湯春風動袂
歸雁和鳴我后饗客鼓瑟吹笙舉爵惟別聞樂傷情嘉宴
旣終白日西歸羣司告旋鸞輿整綬我皇重離頓轡驂駢
臨川永歎酸涕霑頤崇恩感物左右同悲

陸機

短歌行

置酒高堂悲歌臨觴人壽幾何逝如朝霜時無重至華不

再揚蘋以春暉蘭以秋芳來日苦短去日苦長今我不樂
蟋蟀在房樂以會興悲以別章豈曰無感憂爲子忘我酒
旣旨我肴旣臧短歌有詠長夜無荒

隴西行

我靜如鏡民動如煙事以形兆應以象懸豈曰無才世鮮
興賢

皇太子宴玄圃宣猷堂有令賦詩一首

三正迭紹洪聖啟運自昔哲王先天而順羣辟崇替降及
近古黃暉旣渝素靈承祐乃眷斯顧祚之宅土三后始基
世武丕承協風旁駭天晷仰澄瀄曜六合奄齊七政時文

八代詩選

四言一
漢至晉一

三

惟晉世篤其聖欽翼昊天對揚成命九區克咸讌歌以詠
皇上纂隆經教弘道於化旣豐在工載考俯釐庶績仰荒
大造儀刑祖宗妥綏天保篤生我后克明克秀體輝重光
承規景數茂德淵冲天姿玉裕叢爾小臣邈彼荒遐弛厥
負擔振纓承華匪願伊始惟命之嘉

答賈謐

余昔爲太子洗馬賈長淵以散騎侍東宮積年余出補

吳王郎中令元康六年入爲尚書郎魯公贈詩一篇作

此詩答之云爾

伊昔有皇肇濟黎蒸先天創物景命是膺降及羣后迭毀

迭興邈矣終古崇替有徵在漢之季皇綱幅裂大辰匿暉
金虎曜質雄臣馳騫義夫赴節釋位揮戈言謀王室王室
之亂靡邦不泯如彼墜景曾不可振乃眷三哲俾乂斯民
啟土唯難改物承天爰茲有魏卽宮天邑吳實龍飛劉亦
岳立干戈載揚俎豆載戢民勞師興國玩凱入天厭霸德
黃祚告釁獄訟違魏謳歌適晉陳留歸蕃我皇登禪庸岷
稽顙三江改獻赫矣隆晉奄宅率土對揚天人有秩斯祐
惟公太宰光翼二祖誕育洪胄纂戎於魯東朝旣建淑問
峩峩我求明德濟同以和魯公戾止衮服委蛇思媚皇儲
高步承華昔我逮茲時惟下僚及于棲遲同林異條年殊

八代詩選

四言一
漢至晉一

三

志比服舛義稠游跨三春情固二秋祗承皇命出納無違
往踐蕃朝來步紫微升降祕閣我服載暉孰云匪懼仰肅
明威分索則易攜手實難念昔良游茲焉永歎公之云感
貽此音翰蔚彼高藻如玉如蘭惟漢有木曾不踰境惟南
有金萬邦作詠民之胥好狷狂厲聖儀刑在昔予聞子命
贈馮文罷遷斥邱令

於皇聖世時文惟晉受命自天奄有黎獻闔闔旣闢承華
再建明明在上有集惟彥奕奕馮生哲問允迪天保定子
靡德不鑠邁心玄曠矯志崇邈遵彼承華其容灼灼嗟我
人斯戢翼江潭有命集止翻飛自南出自幽谷及爾同林

雙情交映遺物識心人亦有言交道實難有頰者弁千載
一彈今我與子曠世齊歡利斷金石氣惠秋蘭羣黎未綏
帝用勤止我求明德肆於百里僉曰爾諧俾民是紀乃眷
北徂對揚帝祉疇昔之游好合纏絲借日未給亦旣三年
居陪華幄出從朱輪方驥齊鑣比跡同塵之子旣命四牡
項領遵塗遠蹈騰軌高騁慶雲扶質清風承景嗟我懷人
其邁惟永否泰有殊窮達有違及子春華後爾秋暉逝將
去我陟彼朔陲非子之念心孰爲悲

贈潘尼

水會於海雲翔於天道之所混孰後孰先及子雖殊同升

八代詩選

四言一
漢至晉一

三

太玄舍彼玄冕襲此雲冠遺情市朝永志邱園靜猶幽谷

動若抽蘭

陸雲

大將軍宴被命作詩

皇皇帝祜誕隆駿命四祖正家天祿保定叡哲惟晉世有
明聖如彼日月萬景攸正巍巍明聖道隆自天則明分爽
觀象洞玄陵風協極絕輝照淵肅雍往播福祿來臻在昔
姦臣稱亂紫微神風潛駭有赫茲威靈旗樹旆如電斯揮
致天之屆於河之沂有命再集皇輿凱歸頽綱旣振品物
咸秩神道見素遺華反質辰晷重光協風應律函夏無塵

海外有謐芒芒宇宙天地交泰王在華堂式宴嘉會玄暉
峻朗翠雲崇靄冕弁振纓服藻垂帶祁祁臣僚有來雍雍
薄言載考承顏下風俯覲嘉客仰瞻玉容施已唯約於禮
斯豐天錫難老如嶽之崇

征西大將軍京陵王公會射堂皇太子見命作此詩

芒芒太極玄化烟煨頽形成器凌象垂文大鈞造物庶類
羣分先識經始實綜彝倫惟岳隆周生甫及申天鑒在晉
祚之降神邈矣遐風茂德有鄰永言配命惟晉之鎮厥鎮
伊何實幹心膂文教內輔武功外禦淮方未靖帝曰攸序
公於出征奄有南浦南海旣賓爰戢干戈桃林釋駕天馬
八代詩選 四言一
漢至晉一

婆娑象齒南金來格皇家絕音協徽宇宙告和玄綱峻極
天罔旣紘文武方升允茲兼弘峩峩高夏有肅其涼公侯
戾止駉驥龍驤善問如林在會鏘鏘祝融御節火正緝熙
凱風徘徊萬物欣時秩秩初筵薄言在茲嘉福介祐萬壽
無期

大安二年夏四月大將軍出祖王羊二公於城南堂皇被
命作此詩

時文惟晉天祚有祥聖宰作弼受言旣臧有赫斯庸勳格
昊蒼景物臺暉棟隆玉堂惟常思庸大興光迪聖敬遠躋
神道玄邈思媚三靈誕膺天篤嘉命旣辱王人言告翼翼

王人言告惟慕公輿駕言乃眷斯顧華旂飛藻鳴鸞振路
駢駢四牡噓天載步我有高夏如雲斯薈彫軒戾止薄言
嘉會問誰在宴惟俊惟乂豐俎殷薦獻酬交泰攸攸昊天
南正興言朱明有暉萬葉翠繁昌雲垂天凱風熙顏王臣
在此貽宴於懽懸象西頽虞淵納景嘉樂未晞嚴駕已整
行矣征人身乖路永飛驂顧懷華蟬引領遺思北京結轡
臺省

贈顧驃騎

有皇美祈陽也祈陽秉文之士駿發其聲故能明照有

吳人顯乎晉國人美之故作是詩焉

八代詩選

四言一
漢至晉一

古

有皇大晉時文憲章規天有光矩地無疆神篤斯祐本顯
克昌載生之雋實惟祈陽哲問宣猷考茂其相於鑠祈陽
誕鍾天篤清輝龍見玄猷淵嘿沈穢響駭幽神廣覲和以
同人物歸時育有大惡盈謙以自牧思我懿範萬民來服
吳未喪師天秩有庸淵哉若人弱冠休風俯翼黃門以德
來忠端秀蕃后正色儲宮徽音鑠穎邈矣遐蹤皇維南終
舊邦匪歆委弁釋位如龍之潛考槃窮谷假樂豐林子雖
藏器鐘鼓有音惠風往敬慶問來尋濟濟元公相惟天子
明明辟王思隆多士帝曰欽哉有命集止我咨四方令問
在爾以朕大賚乃膺嘉祉聿來胥步觀國之紀惟皇建極

緝熙清曜我有峻民明德來照大觀在上王假有廟顯允
顧生金聲玉振之子于升利見大人龍輝絕跡有肅清塵
清塵旣彰朝虛好爵敬子侯度慎徽百辟子聞有命德禮
不易嗟我懷人瞻言永錫豐祐東法惟子之績遵汶涉泗
言告同征勁風宵烈湛露朝零雲垂藹下泉冽清泠哀哉
行人感物傷情從子京邑言觀厥成天保祚德式穀以甯
贈鄱陽府君張仲膺

神林何有奇華妙實皇朝如何窮文極質斌斌君子升堂
入室太上有曜子誕其輝知機日難子達其微入輔幃幄
出御千里滔滔江漢南國之紀謁帝東堂剖符南征天子

八代詩選

四言一
漢至晉一

五

命我車服以榮何以潤之德被蒼生何以濟之威振羣城
卻愚以化崇賢以仁鳳舒其翮龍濯其鱗憬彼荒藪莫敢
不賓雖云舊邦其命維新下和南金終始一色顯允君子
窮達一德弘仁厲道物究其極古賢受爵循牆虔恭今哲
居貴履盈如冲接新以化愛舊以豐隆此嚶鳴悖彼谷風
忠至寵加孝至榮集內崇蘭芬外清名邑煒煒棠棣翼增
其華猗猗桑梓厥耀孔多被繡畫行昔人攸羨階雲飛藻
孰與同粲人道伊何難合易離會如升峻別如順淇嗟我
懷人曷云其來貢言執手涕旣隕之

答兄平原

伊我世族太極降精昔在上代軒虞篤生厥生伊何流祚
萬齡南嶽有神乃降厥靈誕鍾祖考徹茲神明運步玉衡
仰和太清賓御四門旁穆紫庭紫庭既穆威聲爰振厥振
伊何播化殊鄰清風攸被率土歸仁彤弧所彎萬里無塵
功昭王府帝庸厥勳黃鉞授征錫命頻繁闢如虢虎肅茲
三軍光若辰時亮彼公門仍世上司芳流慶純雲和所產
爰有二昆誕豐岐疑夙邁令聞令聞伊何休音允臧先公
克構乃崇斯堂耀穎上京發跡扶桑戎車出征時惟鷹揚
鷹揚旣昭勳庸克邁天子命我鎮弼于外往作扞城以表
南裔降災匪蠲景命顛沛惟我賢昆天姿秀生含奇播殊

八代詩選

四言一
漢至晉一

美

明德惟馨太陽散氣乃稟厥和山川垂度爰則厥遐厥遐
爰何惟光惟大惟大伊何如岱如涓恢此廣淵廓彼洪懿
弘道惇德淵哉爲器統我先基弱冠慷慨將弘祖業實崇
奕世咨予頑蒙葺爾弱才沈耀玄渚挹庇雲淇陶化靡移
固陋於茲瞻仰洪範實忝先基巍巍先基重規累構赫赫
重光遐風激鷺昔我先公爰造斯猷今我六蔽匪崇克扶
悠悠大道載邈載遐洋洋淵源如海如河昔我先公斯綱
斯紀今我末嗣乃傾乃圯世業之頹自予小子仰愧靈邱
銜憂沒齒憂懷惟何顧景惟塵弢弢高蹤眇眇賀辰明德
繼體莫匪哲人今我頑鄙規範靡遵仍世載德荒之予身

莫峻匪岳有峻斯登莫高匪雲有高斯凌矧我成基匪克
階升玄黃長坂載寐載興豈敢憚行哀此負乘芒芒高山
自予頽之濟濟德義匪予懷之終銜承負於其愧而昔子
言曠汜舟東川銜憂告辭揮淚海濱義陽趣駕炎華電征
自我不見邈哉八齡悠思迴望寤言通靈昔我往矣辰在
東隅今我於茲日薄桑榆銜艱遭愍困瘁殷憂哀矣我世
匪蒙靈休開元迄茲震興迭微弱風隱駭海水羣飛王旅
南征闡耀靈威予昆乃播爰集朔土載離永久其毒太苦
上帝休命駕言其歸多我邁愍振蕩朔垂羈繫殊俗初願
用違嚴駕東征肅邁林野夕秣乘馬朝整僕旅矯矯乘馬
八代詩選

四言一
漢至晉一

毛

載驅載馳漫漫長路或降或階晨風夙零朝不皇餓傾景
儻墜夕不存罷雖有豐草匪釋奔駟雖有重陰匪遑遐寐
熒熒僕夫悠悠適征經彼喬木有鳥嚶鳴微物識儕矧伊
有情樂茲棠棣實歡友生既至既覲滯思曠年曠年殊域
覲未浹辰恨其永懷憂心孔艱天地永久命也難長生民
忽霍曷云其常我之旣存靡績靡紀乾坤難並寂焉其已
生若電激沒若川征存愧松柏逝慚生靈匪忝性命實悼
徒生苟克析薪豈憚冥冥瞻企皇極徼福上天冀我友生
要期永年昔我先公邦國攸興今我家道絲絲莫承昔我
昆弟如鸞如龍今我友生凋俊墜雄家哲承祖世業長終

華堂傾構廣宅頽墉高門降衡修庭樹蓬感物悲懷愴矣
其傷惇仁汜愛錫予好音晞光懷寶煥若南金披華玩藻
嗟若翰林詠彼清聲被之瑟琴味此殊響慰之子心弘懿
忘鄙命之反覆敢投桃李以報寶玉冀憑光蓋編諸末錄
高岡

瞻彼高岡有猗其桐允也君子實寶南江員規啟俗沈矩
履方泳此明流清瀾川通陟彼衡林味其回芳馥馥回芳
網繆中原祁祁庶類薄采其芬栖遲泌泌邱容與衡門聲播
東汜響溢南雲穆穆閭闔南端啟籥庶明以庸帝聽式闕
有鳳于潛在林栖翮非予之祚孰與好爵幽居玩物顧景
八代詩選四言一
漢至晉一天
自頤發憤潛惟侶徧有思予美忘此終然胥來企予與言
惟用作詩

答孫顯世

邈矣上祖垂休萬葉廣問弘被崇軌峻躡高山克荒大川
利涉繁藹惟祐風連雲接大人有作二后利見九功敷奏
七德殷薦鼎寶重芳勞烈再扇奕世弘道天祿來宴道弘
振古祚未替今如彼在川亦有浮沈大韶旣素響非我音
豈非荒止塗弗克尋昌風改物豐水易瀾百川總紀四海
合源在彼焉取聿來莫觀曾是褊心敬忘邱園員暉偏照
玄澤謬盈發彼承華頓此增城紀景靈雲倦游紫庭匪曰

能知實忝長纓煥矣金虎襲我皇猷孰云匪忝仰愧蒼流
往蹇來返弭跡一邱變彼東朝言卽爾謀振振孫子洪族
之紀志擬龍潛德配麟趾引服朗節克明峻軌遵彼中臯
於穆不已於穆不已大都是階之子於命民應如隕厚德
時邁協風允諸惠此海湄俾也可懷乃眷邱林樂哉河曲
解紱披褐投印懷玉遺情春臺託蔭寒木言念伊人溫其
在谷道俟人行辭以義輯和容過表余未云執惠音弘播
清風駿集懷德形撫臨篇景立

失題

悠悠縣象昭回太素清濁迭興升降啟度遺和旣爽季春

八代詩選

四言一
漢至晉一

五

告暮朱明來思青陽受煦日征月盈天道變通太初陶物
造化爲功四月惟夏南征觀方凱風有集飄颻南窗思樂
萬物觀異知同有浣萋萋甘雨來播黍稷方華中田多稼
庭槐振藻園桃阿那薄言觀物在堂知化蓬戶惟情玩物
一室明發有懷念昔先哲通夢幽人彷彿遺烈清暉在天
孰與永日乃啟遺籍思予大觀幽居傲物顧景怡顏况惟
解舞衡門重關思媚古人有懷良盤沈曦含輝芳烈如蘭
厥初生民有物有類自古有稱大寶以位征徒式好俊奔
攸遂啟予有聞誨爾達貴達貴伊何天爵無榮渾淪大昧
混其濁清毀方遯象遺頑履貞道實藏器景以昭形芒芒

陋世奚競奚錯收彼紛華委之冲漠漂志垂天矯心馮閣
道好莊聃儀刑有作安得達人顧予命薄

同前

思樂芳林言采其菊衡薄遵塗中原有菽登彼脩巒在林
窟宿彷彿佳人清顏如玉予美亾此誰爲適道容與俟之
玄髮方皓躑躅山阿玩此芳草願澹其穎庶以遺老臺臺
嘉時飄忽棄予有瞻逝深永歡潛潄願登扶桑仰結飛晷
伊人匪存遺芳孰與精氣爲物或降或升徂落攸往神奇
有登死生爲徒存亡曷勝謂予不信遺籍有徵閒居外物
靜言樂幽繩樞增結甌牖綢繆和神當春清節爲秋天地

八代詩選

四言一
漢至晉一

三

則爾戶庭已悠嗟我懷人悠悠其潛念昔先烈有懷所欽
駭情玩世口允南金瓊輝邈矣誰適爲心明發興言慷慨
芳林

孫拯

贈陸士龍

五龍敢號雲鳥纂紀消化旣離義風肅始軒冕垂容文教
乃理奕奕英族盛德豐祀於赫皇吳應天統元蒸文烈公
光讚懿勳九命重輝恭德彌勤華黼襲藻金石載振淵哉
陸生不顯洪胄亦崇懿風邈比弘裕無競惟德豐光伊茂
文以義好施以仁富山積惟峻道隆名遐潛景在淵龍躍

承華既升爾儀誰不允嘉有濯重淵載清其波濟濟皇朝
峩峩髦士序爵以賢惟俊萃止翩翩二宮令問不已乃遷
華閣皇典斯紀思文大謨恢我王猷清風肆穆雅憲允休
邁彼江川邈此北流微言蘭馥玉藻雲浮遭時之險虎宰
滔天憑德羨重繫此俊賢休否既亨名以德淵清徽伊鑠
鑽之彌堅明明大象玄鑿照微顯允君子求福不回善挹
引慶險以德祈澄濁以靜罔久不暉釋彼游寄樂此窈眞
形以神和思以道新青雲方乘芳餌可捐達觀在一萬物
自賓寂寂重門誰和子音瞻彼晨風思託茂林

闕

潘岳

八代詩選

四言一
漢至晉一

三

關中詩

於皇時晉受命既固三祖在天聖皇紹祚德博化光刑簡
枉錯微火不戒延我寶庫蠢爾戎狄狡焉思肆虜我國眚
窺我利器岳牧慮殊威懷理二將無專策兵不素肄翹翹
趙王請徒三萬朝議惟疑未逞斯願桓桓梁征高牙乃建
旗蓋相望偏師作援虎視耽耽威彼好時素甲日耀玄幕
雲起誰其繼之夏侯卿士惟系惟處列營棊時夫豈無謀
戎士承平守有完郛戰無全兵鋒交卒奔孰免孟明飛檄
秦郊告敗上京周殉師令身膏氏斧人之云亡貞節克舉
盧播違命投畀朔土爲法受惡誰爲荼苦哀此黎元無罪

無辜肝腦塗地白骨交衢夫行妻寡父出子孤俾我晉民
化爲狄俘亂離斯瘼日月其稔天子是矜旰食寔寢主憂
臣勞孰不祇懷愧無獻納尸素以甚皇赫斯怒爰整精銳
命彼上谷指日遄逝親奉成規稜威遐厲首陷中亭揚聲
萬計兵固詭道先聲後實聞之有司以萬爲一紂之不善
我未之必虛鼎痛德謬彰甲吉雍門不啟陳汧危逼觀遂
虎奮感身輸力重圍克解危城載色豈曰無過功亦不測
情固萬端于何不有紛紜齊萬亦孔之醜曰納其降曰梟
其首疇眞可掩孰僞可久旣徵爾辭旣蔽爾訟當乃明實
否則證空好爵旣靡顯戮亦從不見竇林伏尸漢邦周人
八代詩選

四言一
漢至晉一

三

之詩實曰采薇北難獫狁西患昆夷以古況今何足曜威
徒愍斯民我心傷悲斯民如何荼毒于秦師旅旣加饑饉
是因疫癘淫行荆棘成榛絳陽之粟浮於渭濱明明天子
視民如傷申命羣司保爾封疆靡暴於眾無陵於強惴惴
寡弱如熙春陽

潘尼

贈陸機出爲吳王郎中令

東南之美曩惟延州顯允陸生於今妙儔振鱗南海濯翼
清流婆娑翰林容與墳邱玉以瑜潤隨以光融乃漸上京
羽儀儲官玩爾清藻味爾芳風泳之彌廣挹之彌沖崑山

何有有瑤有珉及爾同僚具惟近臣予涉素秋子登青春
愧無老成厠彼日新祁祁大邦惟柔惟梓穆穆伊人南國
之紀帝曰爾諧惟王卿士俯僂從命奚恤奚喜我車旣巾
我馬旣秣星陳夙駕載脂載轄婉變二宮徘徊殿闈醪澄
莫饗孰慰饑渴昔子忝私貽我蕙蘭今子征東何以贈旃
寸晷惟寶豈無璵璠彼美陸生可與晤言

答陸士衡

顧茲蓬蔚厠根蘭陂膏澤雖均華不足披逮春不茂未秋
先萎子濯鱗翼我挫羽儀願言難常載合載離昔游禁園
祗畏夕惕今放邱園縱心夷易日詠新詩目玩文跡子志
耕圃爾勤王役慙無瓌琰以訓尺璧

八代詩選

四言一
漢至晉一

三

王讚

三月三日詩

招搖啟運寒暑代新疊疊不舍如彼行雲猗猗季月穆穆
和春皇儲降止宴及嘉賓嘉賓伊何具惟姻族如彼葛藟
衍於樛木郁郁近侍巖巖臺嶽庶寮鱗次以崇天祿如彼
崑山列此琚玉巍巍天階亦降列宿右載元首左光儲副
大祚無窮天地爲壽

阮脩

上巳會詩

三春之季歲惟嘉時靈雨既零風以散之英華扇耀祥鳥
羣嬉澄澄綠水澹澹其波脩岸逶迤長川相過聊且逍遙
其樂如何坐此脩筵臨彼素流嘉肴既設舉爵獻酬彈箏
弄琴新聲上浮水有七德知者所娛清瀨灑澗菱葭芬敷
沈此芳釣引彼潛魚委餌芳美君子戒諸

閻邱沖

三月三日應詔詩二首

暮春之月春服既成陽昇土潤冰渙川盈餘萌達壤嘉木
敷榮后皇宣游既宴且甯光光華輦誥誥從臣微風扇穢
朝露翳塵上蔭丹幄下藉文茵臨川挹盥濯故潔新俯鏡
八代詩選四言一
漢至晉一 盥
清流仰睇天津藹藹華林巖巖景陽業業峻宇奕奕飛梁
垂蔭倒景若沈若翔

浩浩白水汎汎龍舟皇在靈沼百辟同游擊櫂清歌鼓枻
行酬聞樂咸和具醉斯柔在昔帝虞德被遐荒千戚在庭
苗民來王今我哲后古聖齊芳惠此中國以綏四方元首
既明股肱惟良樂酒今日君子惟康

左貴嬪

啄木詩

南山有鳥自名啄木饑則啄樹暮則巢宿無干於人惟志
所欲性清者榮性濁者辱

劉琨

答盧湛

琨頓首損書及詩備辛酸之苦言暢經通之遠旨執玩
反覆不能釋手慨然以悲歡然以喜昔在少壯未嘗檢
括遠慕老莊之齊物近嘉阮生之放曠怪厚薄何從
而生哀樂何由而至自頃輶張困於逆亂國破家亡親
友彫殘負杖行吟則百憂俱至塊然獨坐則哀憤兩集
時復相與舉觴對膝破涕爲笑排終身之積慘求數刻
之暫歡譬由疾疢彌年而欲一丸銷之其可得乎夫才
生於世世實須才和氏之璧焉得獨曜於郢握夜光之
珠何得專玩於隋掌天下之寶當與天下共之但分析
之日不能不悵恨耳然後知聃周之爲虛誕嗣宗之爲
妄作也昔騶驥倚輈于吳坂長鳴于良樂知與不知也
百里奚愚於虞而知於秦遇與不遇也今君遇之矣勛
之而已不復屬意於文二十餘年矣久廢則無次想必
欲其一反故稱指送一篇適足以彰來詩之益美耳琨

頓首頓首

厄運初遘陽爻在六乾象棟傾坤儀舟覆橫厲糾紛羣妖
競逐火燎神州洪流華域彼黍離離彼稷育育哀我皇晉
痛心在目天地無心萬物同壑禍淫莫驗福善則虛逆有

全邑義無完都英蕊夏落毒卉冬敷如彼龜玉韞櫝毀諸
芻狗之談其最得乎咨余軟弱勿克負荷愆豐仍彰榮寵
屢加威之不建禍延凶播忠隕于國孝愆于家斯罪之積
如彼山河斯豐之深終莫能磨郁穆舊姻嫵婉新婚不慮
其敗惟義是敦裏糧攜弱匍匐星奔未輟爾駕已隳我門
二族偕覆三孽竝根長慙舊孤永負冤魂亭亭孤幹獨生
無伴綠葉繁縟柔條脩罕朝採爾實夕將爾竿竿翠豐尋
逸珠盈椀實消我憂憂急用緩逝將去乎庭虛情滿虛滿
伊何蘭桂移植茂彼春林瘁此秋棘有鳥翻飛不遑休息
匪桐不棲匪竹不食永戢東羽翰撫西翼我之敬之廢歡
輟職音以賞奏味以殊珍文以明言言以暢神之子之往

八代詩選

四言一
漢至晉一

美

四美不臻澄醪覆觴絲竹生塵素卷莫啟幄無談賓旣孤
我德又闕我鄰光光段生出幽遷喬資忠履信武烈文昭
旂弓駢駢與馬翹翹乃奮長縻是轡何以贈子竭心
公朝何以敘懷引領長謠

盧諶

贈劉琨

書曰故吏從事中郎盧諶死罪死罪諶稟性短弱當世
罕任因其自然用安靜退在木闕不材之資處雁乏善
鳴之分卷異蓮子愚殊甯生匠者時眇不免饌賓嘗自

思惟因緣運會得蒙接事自奉清塵於今五稔謨明之
效不著候人之譏已彰大雅舍宏量包山數加以待接
彌優款眷逾昵與運籌之謀厠讎私之歡綢繆之旨有
同骨肉其爲知己古人罔喻昔聶政殉嚴遂之顧荆軻
慕燕丹之義意氣之間糜軀不悔雖微達節謂之可庶
然苟曰有情孰能不懷故委身之日夷險以之事與願
違當忝外役遂去左右收跡府朝蓋本同末異楊朱興
哀始素終玄墨翟垂涕分乖之際咸可歎慨致感之塗
或迫于茲亦奚必臨路而後長號覩絲而後歔歔哉是
以仰惟先情俯覽今遇感存念亡觸物增眷易曰書不
盡言言不盡意然則書非盡言之器言非盡意之具矣
况言有不得至於盡意書有不得至於盡言耶不勝猥
懣謹貢詩一篇抑不足以揄揚弘美亦以據其所抱而
已若公肆大惠遂其厚恩錫以咳唾之音慰其違離之
意則所謂咸池酬於北里夜光報於魚目謚之願也非
所敢望也謹死罪死罪

潛哲惟皇紹熙有晉振厥弛維光闡遠韻有來斯雍至止

伊順三臺擢朗四嶽增峻伊陟佐商山甫翼周弘濟艱難

對揚王休苟非異德曠世同流加其忠貞宣其徽猷伊謚

陋宗昔邁嘉惠申以婚姻著以累世義等休戚好同興廢

孰云匪諧如樂之契王室喪師私門播遷望公歸之視險
忽艱茲願不遂中路阻顛仰悲先意俯思身愆大鈞載運
良辰遂往瞻彼日月迅過俯仰感今惟昔口存心想借曰
如昨忽爲疇曩疇曩伊何逝者彌疎溫溫恭人慎終如初
覽彼遺音恤此窮孤譬彼樛木蔓葛以敷妙哉蔓葛得託
樛木葉不雲布華不星燭承侔卞和質非荆璞眷同尤良
用乏驥騄承亦旣篤眷亦旣親飾獎鴛鴦方駕駿珍弼諧
靡成良謨莫陳無覲狐趙有與五臣五臣奚與契闊百罹
身經險阻足蹈幽遐義由恩深分隨昵加綢繆委心自同
匪他昔在暇日妙尋通理尤彼意氣狹是節士情以體生

八代詩選

四言
漢至晉一

三

感以情起趣舍同要窮達斯已由余片言秦人是憚日磬
效忠飛身有漢桓桓撫軍古賢作冠來牧幽都濟厥塗炭
塗炭旣濟寇挫民阜謬其疲隸授之朝右上懼任大下欣
施厚實祇高明敢忘所守相彼反哺尙在翔禽孰是人斯
而忍是心每憑山海庶覲高深遐眺存亡緬成飛沈長徽
已纓逝將徙舉收跡西踐銜哀東顧曷云塗遼曾不咫步
豈不夙夜謂行多露縣縣女蘿施于松標稟澤洪幹晞陽
豐條根淺難固莖弱易彫操彼織質承此衝飈織質實微
衝飈斯值誰謂言精致在賞意不見得魚亦忘厥餌遺其
形骸寄之深識先民頤意潛山隱几仰熙丹崖俯澡綠水

無求于私自附眾美慷慨遐蹤有愧高旨爰造異論肝膽
楚越惟同大觀萬殊一轍死生既齊榮辱奚別處其玄根
廓焉靡結福爲禍始禍作福階天地盈虛寒暑周迴夫差
不祀釁在勝齊句踐作伯祚自會稽邈矣達度惟道是杖
形有未泰神無不暢如川之流如淵之量上弘棟隆下塞
民望

郭璞

贈溫嶠

人亦有言松竹有林及爾臭味異昔同岑言以忘得交以
淡成同匪伊和惟我與生爾神余契我懷子情攜手一豁

八代詩選

四言一
漢至晉一

五

安知塵冥

葛洪

洗藥池

洞陰冷泠風珮清清仙居永劫花木長榮

庾闡

孫登隱居詩

靈崖霞蔚石室鱗構青松標空蘭泉吐牖龍蒼可游芳津
可漱玄谷蕭寥鳴琴獨奏先生體之寂坐幽岸凝冰結樸
颯陽靡煥潛眞內全飛榮外散凌崖高嘯希風朗彈道有
冥廢運有昏消達隱不崖玄跡不標或曰先生晦德逍遙

稽子秀達英風朗烈道情薰芳鮮不玉折兆動初萌妙鑿
奇絕翹首邱冥仰想玄哲

袁宏

從征行方頭山

峩峩太行凌虛抗勢天嶺交氣窈然無際澄流入神玄谷
應契四象悟心幽人來觀

孫統

蘭亭集詩

茫茫大造萬化齊軌罔昧玄同競異標旨平勃運謀黃綺
隱几凡我仰希期山期水

八代詩選

四言一
漢至晉一

早

庾友

蘭亭集詩

馳心域表寥遠邁理感則一冥然斯會

王徽之

蘭亭集詩

散懷山水蕭然忘羈秀薄粲穎疏松籠崖游羽扇霄鱗躍
清池歸目寄歡心冥一奇

無名人

白鳩篇

翩翩白鳩載飛載鳴懷我君德來集君庭白雀呈瑞素羽

明鮮翔庭舞翼以應仁乾交鳴鳩或丹或黃樂我君惠
振羽來翔東壁餘光魚在江湖惠而不費敬我微軀策我
良駟習我驅馳與君周旋樂道忘饑我心虛靜我志霑濡
彈琴鼓瑟聊以自娛陵雲登臺浮游太清扳龍附鳳目望
身輕

獨漉篇

獨漉獨漉水深泥濁泥濁尚可水深般我離離雙雁遊戲
田畔我欲射雁念子孤散翩翩浮萍得風搖輕我心何合
與之同并空牀低帷誰知無人夜衣錦繡誰別偽真刀鳴
箭中倚牀無施父冤不報欲活何爲猛虎班班遊戲山間

八代詩選

四言一
漢至晉一

單

虎欲齧人不避豪賢

晉至隋一

八代詩選二

四言第二

長沙湘潭王闓運撰

陶潛

停雲

停雲思親友也樽湛新醪園列初榮願言不從歎息彌襟云爾

靄靄停雲濛濛時雨八表同昏平路伊阻靜寄東軒春醪獨撫良朋悠邈搔首延佇停雲靄靄時雨濛濛八表同昏平陸成江有酒有酒閒飲東窗願言懷人舟車靡從東園之樹枝條再榮競用新好以招余情人亦有言日月於征八代詩選四言二
晉至隋一

時運

時運游暮春也春服旣成景物斯和偶影獨游欣慨交心

邁邁時運穆穆良朝襲我春服薄言東郊山滌餘靄宇曖微霄有風自南翼彼新苗洋洋平津乃漱乃濯邈邈遐景載欣載囑稱心而言人亦易足揮茲一觴陶然自樂延目中流悠悠清沂童冠齊業閒詠以歸我愛其靜寤寐交揮但恨殊世邈不可追斯晨斯夕言息其廬花藥分列林竹

翳如清琴橫牀濁酒半壺黃唐莫逮慨獨在子

榮木

榮木念將老也日月推遷已復有夏總角聞道白首無成

采采榮木結根於茲晨耀其華夕已喪之人生若寄顛顛
有時靜言孔念中心悵而采采榮木於茲託根繁華朝起
慨暮不存貞脆由人禍福無門匪道曷依匪善奚敦嗟子
小子稟茲固陋徂年旣流業不增舊志彼弗舍安此日富
我之懷矣恆焉內疚先師遺訓予豈云墜四十無聞斯不
足畏脂我名車策我名驥千里雖遙孰敢不至

八代詩選

四言二
晉至隋一

勸農

悠悠上古厥初生人傲然自足抱樸含真智巧旣萌資待
靡因誰其瞻之實賴哲人哲人伊何時惟后稷瞻之伊何
實曰播殖舜旣躬耕禹亦稼穡遠若周典八政始食熙熙
令音猗猗原陸卉木繁榮和風清穆紛紛士女趣時競逐
桑婦宵征農夫野宿氣節易過和澤難久冀缺攜儷沮溺
結耦相彼賢達猶勤壟畝矧伊眾庶曳裾拱手民生在勤
勤則不匱宴安自逸歲暮奚冀儋石不儲饑寒交至顧爾
儔列能不懷愧孔耽道德樊須是鄙董樂琴書田園不履
若能超然投跡高軌敢不斂衽敬讚德美

命子

悠悠我祖爰自陶唐邈爲虞賓歷世重光御龍勤夏豸韋
翼商穆穆司徒厥族以昌紛紛戰國漠漠衰周鳳隱於林
幽人在邱逸虬遶雲奔鯨駭流天集有漢眷予愍侯於赫
愍侯運當攀龍撫劍夙邁顯茲武功書誓山河啟土開封
賈豈丞相允迪前蹤渾渾長源蔚蔚洪柯羣川載導眾條
載羅時有語默運因隆窳在我中晉葉融長沙桓桓長沙
伊勳伊德天子疇我專征南國功遂辭歸臨寵不惑孰謂斯
心而近可得肅矣我祖慎終如始直方二臺惠和千里於
皇仁考淡焉虛止寄跡風雲寘茲愠喜嗟予寡陋瞻望弗
八代詩選

四言二
晉至隋一

三

及顧慙華鬢負影隻立三千之罪無後爲急我誠念哉呱
聞爾泣卜云嘉日占亦夏時名汝曰儼字汝求思溫恭朝
夕念茲在茲尙想孔伋庶其企而厲夜生子遽而求火凡
百有心奚特於我既見其生實欲其可人亦有言斯情無
假日居月諸漸免於孩福不虛至禍亦易來夙興夜寐願
爾斯才爾之不才亦已焉哉

歸鳥

翼翼歸鳥晨去於林遠之八表近憩雲岑和風不洽翻翻
求心願儔相鳴景庇清陰翼翼歸鳥載翔載飛雖不懷游
見林情依遇雲頡頏相鳴而歸遐路誠悠性愛無遺翼翼

歸鳥馴林徘徊豈思天路欣及舊棲雖無昔侶眾聲每諧
日夕氣清悠然其懷翼翼歸鳥戢羽寒條游不曠林宿則
森標晨風清興好鳥時交矰繳奚施已卷安勞

趙整

酒德歌

地列酒泉天垂酒池杜康妙識儀狄先知紂喪殷邦桀傾
夏國由此言之前危後則

王韶之

贈潘綜吳達舉孝廉詩

東寶惟金南木有喬發輝曾崖竦幹重霄美哉茲土世載

八代詩選

四言二
晉至隋一

四

英髦育翮幽林養音九皋唐后明敷漢宗蒲輪我皇降鑒
思樂懷人羣臣競薦舊章惟新余亦奚貢曰義與仁仁義
伊在惟吳惟潘心積純孝事著艱難投死如歸淑問若蘭
吳實履仁心力偕單固此苦節易彼歲寒霜雪雖厚松栢
丸丸人亦有言無善不彰二子徽猷彌久彌芳拔叢出類
景行朝陽誰謂道遐弘之則光咨爾庶事無然怠荒江革
奉摯慶祿是荷姜詩入貢漢朝咨嗟助哉行人敬爾休嘉
俾是下國炤輝京華伊余朽駘竊服懼盜無能禮樂豈暇
聲教順彼康夷懿德是好聊綴所懷以贈二孝

顏延之

應詔讌曲水作詩

道隱未形治彰既亂帝跡懸衡皇流共貫惟王創物永錫
洪算仁固開周義高登漢祚融世哲業光列聖太上正位
天臨海鏡制以化裁樹之形性惠浸萌生信及翔泳崇虛
非微積實莫尙伊人和實靈所貺日完其朔月不掩望
航琛越水輦賚踰嶂帝體麗明儀辰作貳君彼東朝金昭
玉粹德有潤身禮不愆器柔中淵映芳猷蘭祕昔在文昭
今惟武穆於赫王宰方且居叔有晬叡蕃爰履莫牧甯極
和鈞屏京維服朏魄雙交月氣參變開榮灑澤舒虹爍電
化際無間皇情爰眷伊思鎬飲每惟洛宴郊餞有壇君舉
八代詩選四言一
晉至隋一

五

有禮幙帷蘭甸晝流高陞分庭薦樂析波浮醴豫同夏諺
事兼出濟仰閱豐施降惟微物三妨儲隸五塵朝黻塗泰
命屯恩充報屈有悔可悛滯瑕難拂

皇太子釋奠會作

國尚師位家崇儒門稟道毓德講藝立言浚明爽曙達義
茲昏永瞻先覺顧惟後昆大人長物繼天接聖時屯必亨
運蒙則正偃閉武術闡揚文令庶士傾風萬流仰鏡虞庠
飾館睿圖炳粹懷仁憬集抱智鷹至踵門陳書躡屩獻器
澡身玄淵宅心道祕伊昔周儲聿光往記思皇世哲體元
作嗣資此夙知降從經志邊彼前文規周矩值正殿虛筵

司分簡日尙席函丈丞疑奉帙侍言稱辭惇史秉筆妙識
幾微王載有述肆議芳訊大教克明敬躬祀典告奠聖靈
禮屬觀盟樂薦歌笙昭事是肅俎實非馨獻終襲吉卽宮
廣謙堂設象筵庭宿金懸臺保兼徽皇戚比彥肴乾酒澄
端服整弁六官視命九賓相儀纓笏帟序巾卷充街都莊
雲動野馘風馳倫周伍漢超哉邈猗清暉在天容光必照
物任其情理宣其奧妄先國胄側聞邦教徒愧微冥終謝
智效

謝靈運

善哉行

八代詩選

四言二
晉至隋一

六

陽谷躍升虞淵引落景曜東隅晚西薄三春燠敷九秋
蕭索涼來溫謝寒往暑卻居德斯頤積善嬉謔陰灌陽叢
凋華墮蔓歡去易慘悲至難鑠擊節當歌對酒當酌鄙哉
愚人戚戚懷瘼善哉達士滔滔處樂

隴西行

昔在老子至理成篇柱小傾大綆短絕泉鳥之栖游林檀
是間韶樂牢膳豈伊攸便胡爲乖枉從表方圓耿耿僚志
慊慊邱園善歌以詠言理成篇

謝惠連

隴西行

運有榮枯道有舒屈潛保黃裳顯服朱黻誰能守靜棄華
辭榮窮谷是處考槃是營千金不迴百代傳名厥包者柚
忘憂者萱何爲有用自乖中原實摘柯摧葉殞條煩

竟陵王子良

九月侍宴

月殿風轉層臺氣寒高雲斂色遙露已團式詔司警言戾
秋巒輕觴時薦落英可餐

王儉

侍太子九月宴玄圃詩

明明儲后冲默其量徘徊禮樂優游風尚微言外融幾神

八代詩選

四言二
晉至隋一

七

內王就日齊暉儀雲等望本茂條榮源澄流潔漢稱間平
周云魯衛咨我藩華方軼前軌秋日在房鴻雁來翔寥寥
清景靄靄微霜草木搖落幽蘭獨芳眷言淄苑尙想濠梁
旣暢旨酒亦飽微猷有來斯悅無遠不柔

贈徐孝嗣

婉婉游龍載游載東靡靡行雲竝躍齊蹤無類不感有來
斯雍之子云邁嗟我莫從歲云暮止述職戒行崇蘭罷秀
孤松獨貞悲風宵遠乘雁晨征撫物遐想念別書情

謝朓

侍宴華光殿曲水奉勅爲皇太子作

旁求邃古逖聽鴻名大寶曰位得一爲貞朱祿叶祉綠字
攜英升配同貫進讓殊聲大橫將屬會昌己命國步中徂
宸居膺慶璽劍先傳龜玉增映宗堯有緒復禹無競禮行
郊社人神受職寶效山川鱗羽變色玄塞北靡丹徼南極
浮毳駕風飛泳登陟能官民秀利建天跼枵鶉列野營絳
分區論思帝則獻納宸樞麟趾方定鵜翼誰濡西京藹藹
東都濟濟秋祓濯流春袂浮醴初吉云獻上除方啟昔駕
陽穎今帳雲陛嘉樂舊矣芳宴在斯載留神矚有睟天儀
龍精已映威仰未移葉依黃鳥花落春池高殿弘敞禁林
稠密青澄崛起丹樓間出翠葆隨風金戈動日惆悵清管
八代詩選四言二
晉至隋一

八

徘徊輕脩灞漣入筵河淇流昨海若來往觴肴沿泝歡飫
有終清光欲暮輕貂回首華組徐步登賢博望獻賦清漳
漢貳稱敏魏兩垂芳監撫有則七鬯無方瞻言守器永愧
元良

三日侍宴曲水代人應詔

神理內寂機象外融遺情汾水垂冕鴻宮樹以司牧匪我
求蒙徒勤日用誰契玄功往晦必明來碩資蹇於皇克聖
時乘御辯寶歷載暉瑤光重踐昭昭舊物熙熙遷善當宁
日昃求衣未明抵璧焚翠銷劍墮城九疇式序三辟載清
虞箴罔闕矇奏傳聲麗景則春儀方在震重聖積厚金式

瓊潤天爵必諸王臣咸盡譬諸華霍惟邦之鎮正朔葱瀚
冠冕邛越爭長明堂相超魏闕龜蒙南薦環裘西發巢閣
易窺馴庭難穢上已惟昔于彼襖流祓穢河澣張樂春疇
旣停龍駕亦泛鳧舟靈宮備矣無待茲游初鷲命曉朝霞
開夜飾陞道源迴伊流灞極望天淵曲阻亭榭閒館巖敞
長廊水架金觴搖蕩玉俎推移筵浮水豹席擾雲螭寥亮
琴瑟嗷吽填箎歡茲廣讌穆穆天儀周道如砥康衢載直
徒愧玄黃負恩無力華輜徒駕長纓未飾相彼失晨甯忘
鼓翼

梁武帝蕭衍

八代詩選

四言一
晉至隋一

九

逸民

如壘生木木有異心如林鳴鳥鳥有殊音如江游魚魚有
浮沈巖巖山高湛湛水深事跡易見理相難尋

張率

短歌行

君子有酒小人鼓缶乃布長筵式宴親友盛壯不留容華
易朽如彼槁葉有似過牖往日莫淹來期無久秋風悴林
寒蟬鳴柳悲自別深懼由會厚豈云不樂與子同壽我酒
旣盈我肴伊臯短歌是唱孰知身後

宗欽

贈高允

巍峩恆嶺滉瀆滄溟山挺其和水耀其精啟茲令族應期
誕生華冠眾彥偉邁羣英於穆吾子舍貞藉茂如彼松竹
陵霜擢秀味老思冲翫易體復戢翼九臯聲溢宇宙我皇
龍興重離疊映剛德外彰柔明內鏡乾象奄氣坤厚山競
風無殊音俗無異徑經緯曰文著述曰史斟酌九流錯綜
幽旨帝用訓詁明發虛擬廣闢四門披延髦士爾應其求
翰飛東觀口吐瓊音手揮霄翰彈毫珠零落紙錦粲墳無
凝割典無滯泮山降則謙含柔爲信林崇日漸明升斯進
有逸夫子兼茲四慎弱而難勝通而不峻南董邈矣史功

八代詩選

四言二
晉至隋一

十

不申固傾佞竇雄穢美新遷以陵腐邕由卓泯時無逸勒
路盈摧輪尹佚謨周孔明述魯抑揚羣致憲章三五昂昂
高生纂我遐武勿謂古今建規易矩自昔索居沈淪西藩
風馬旣殊標榜莫緣開通有運闇遇當年披衿暫面定交
一言諸疑祕省訪滯京都水鏡叔度洗吝田蘇望儀神婉
卽象心虛悟言禮樂採研詩書履霜悼遷撫節感變嗟我
年邁迅踰激電進乏由賜退非回憲素髮掩元枯顏落舊
文以會友友由知已詩以明言言以通理盼坎迷流覲良
闇止伊爾虬光肆鱗曲水

高允

答宗欽

湯湯流漢藹藹南都載稱多士載耀靈珠邈矣高族世記
丹圖啟基郢城振彩涼區吾生朗到誕發英風紹熙前緒
奕世克隆方圓備體淑德斯融望傾羣雋響駭華戎響駭
伊何金聲允著匡贊西藩拯厥時務肅志琴書恬心初素
潛思淵淳秀藻雲布上天降命祚鍾有代協耀紫宸與乾
作配仁邁春陽功隆覆載招延隱叟永貽大賚伊余櫟散
才至庸微遭緣幸會忝與樞機竊名華省廁足丹墀愧無
螢燭少益天暉明外非論信漸難兼體卑處下豈曰能謙
進不弘道退失淵潛旣慚朱闕亦愧閭閻史班稱達楊蔡

八代詩選

四卷二
晉至隋一

十一

致深負荷典策載蹈於心四轍同軌覆車相尋敬承嘉誨
永佩明箴遠思古賢內尋諸己仰謝邱明長揖南史遐武
雖存高蹤難擬夙興夕惕豈獲恬止世之圯矣靈運未通
風馬殊隔區域異封有懷西望路險莫從王澤遠灑九服
來同在昔平吳二陸稱寶今也剋涼吾生獨矯道映儒林
義爲羣表我思與之均于紵縞仁乏田蘇量非叔度韓生
屬降林宗仍顧千載曠游邁茲一遇藻泳風流鄙心已悟
年時迅邁物我俱逝任之斯通擁之則滯結駟貽塵屢空
亦徹兩間可守安有回賜詩以言志志以表丹慨哉刎頸
義已中殘雖曰不敏請事金蘭爾其勵之無忘歲寒

詠貞婦彭城劉氏

兩儀正位人倫肇甄爰制夫婦統業承先雖曰異族氣猶
自然生則同室終契黃泉封生令達卓爲時彥內協黃中
外兼三變誰能作配克應其選實有華宗挺生淑媛京野
勢殊山川乖互乃奉王命載馳在路公務旣弘私義獲著
因媒致幣遽止一暮率我初冠眷彼弱笄形由禮比情以
趣諧忻願難常影跡易乖悠悠言邁戚戚長懷時值險屯
橫離塵網伏鎖就刑身分土壤千里雖遐應如影響良嬪
洞感發於夢想仰惟親命俯尋嘉好誰謂會淺義深情到
畢志守窮誓不二醮何以驗之殞身是效人之處世孰不

八代詩選

四言二
晉至隋一

三

厚生心存於義所重則輕結憤鍾心甘就幽冥永捐堂宇
長辭母兄茫茫中野翳翳孤邱葛藟冥蒙荆棘四周理苟
不昧神必俱游異哉貞婦曠世靡儔

陽固

刺讒詩

巧佞巧佞讒言興兮營營習習似青蠅兮以白爲黑在汝
口兮汝非蝮蠱毒何厚兮巧佞巧佞一何工兮伺間伺忿
言必從矣朋黨噂喏自相同矣浸潤之譖傾人墉矣成人
之美君子貴焉攻人之惡君子愧焉汝何人斯譖毀日繁
予實無罪何騁汝言番番緝緝讒言側入君子好讒如或

弗及天疾讒說汝其至矣無妄之禍行將及矣泛泛游鳧
弗制弗拘行藏之徒或智或愚維余小子未明茲理毀與
行俱言與覺起我其懲矣我其悔矣豈求人兮思想在己
梁無名人

積惡篇

積惡在人猶醜處腹醜成形亡惡積身覆殷辛再離溫舒
五族責必及嗣財豈潤屋斯川既往逝命不復鏡茲餘殃
幸脩多福

八代詩選

四言一
晉至隋一

三

10809

八代詩選卷第二

110

